Meditationes atque observationes, de admirandis animae praecipue humanae effectibus ... / / Michael Alberti.

Contributors

Alberti, Michael, 1682-1757. Schroeck, Lucas, 1646-1730. Universität Halle-Wittenberg.

Publication/Creation

Halae Magd: Litteris Christiani Henckelii, [1713]

Persistent URL

https://wellcomecollection.org/works/yk4g2h4y

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org



Digitized by the Internet Archive in 2019 with funding from Wellcome Library

MEDITATIONES ATQUE OBSERVATIONES,

ADMIRANDIS ANIMÆ PRÆCIPUE HUMANÆ EFFECTIBUS,

V I R O

ILLUSTRI MAGNIFICO

AMPLISSIMO EXPERIENTISSIMOQVE,

DN. LUCÆ SCHROEKIO,

MED. DOCT. CELEBERRIMO, SAC. CÆSAR. MAJEST. ARCHIATRO, EJUSQUE PERSONÆ IMPERIALIS MEDICO SPLENDIDISSIMO, COMITI PALATINO CÆSAR. SPECTATISSIMO, S. R. I. NOBILI REIPUBLICÆ AUGUSTANÆ PHYSICO DEXTERRIMO, FELICISSIMO QVE, ACADEMIÆ IMPERIALIS NATURÆ CURIOSORUM PRÆSIDI DIGNISSIMO,

PATRONO ATQUE FAUTORI SUO DEVENERANDO,

EPISTOLIO HOC SALUTATORIO

commendat & infinuat.

Quocum infimul

Tam Dignitatem quam utilitatem ψυχοσοφίας, ut in Philosophia Morali, ita & in Medicina Theoretica æque atque Practica exponit,

offendicula quædam, hanc Doctrinam prementia, diluit atque removet, & pro meliori æstimatione ae observatione cum corporis vivi, tum etiam harmoniæ inter Mores & vitam

actus hos fingulares recenset & illustrat

D. MICHAEL ALBERTI,

Prof. Publ. Extr. & Reip. Norib. Phys. Ordin.

EDITATIONES ATOYE OBSERVATIONES. BIGINAMING ANIME PRECIPIE HUMANAE DEFECTIBUS. OIMROMEDS IMPERIALIS NATURAL CURIOSORUM PRESIDE MICHISTRED. PATRONO ATOVE ENUTORI JUO OFFICHURANION om Dignitatem quam utilitatem george

And a single of the same of th

VIRO ILLUSTRI-MAGNIFICO CELEBERRIMOQVE,

PATRONO ATQUE FAVTORI SVO MAXIME COLENDO,

Everplan.

Uod præsentibus TE,

VIR. MAGNIFICE, compellem literis, arduasque Tuas curas, & falutaria negotia interrumpam, non præcoci temeritati aut cespitanti modestiæ accensebis, sed quantum quidem de humanitate ac candore am affatim noto, spero, honestæ & delectandi atque fruendi Patroci-

Tuo, inter exteros jam affatim noto, spero, honestæ & finceræ voluptati Tuo delectandi atque fruendi Patrocinio ac Favore, benevole adjudicabis. Quas enim circumacto modo aliquo tempore splendido Tuo Nomini, per Excellentiffimos Viros DN.D. LOCHNERUM & DN.D. THOMASIUM, Collegas & Fautores venerandos, transmissas observationes Medicas annuente Favore & serena fronte excepisti, eædem animum mihi erexerunt, quo publico quodam Epistolio Te falutare, variasque alias meditationes meas, quamvis obtufo calamo humilique stylo conceptas, Prudentiæ Tuæ infinuare, inque laudatissimæ Dexteritatis Tuæ gremium dimittere, queam debeamque. Quam unquam enim & præstantiorem, jucundiorem & utiliorem materiam aut reperire aut seligere potussem. ex qua Tecum disserere mihi liber campus pateat, quam si animæ humanæ obscuras quantisper vires atque actus evolvam & circa eosdem mentem meam declarem. Id quod tanto majori jure præstare dignum reputavi, cum in hoc negotio tam præceps sit occasio cæcutiendi, & in alios dissitos & difficiles causarum anfractus diffundendi arque

A 2

ab-

**) 4 (38° V

aberrandi, ne crassissimis contemplationibus, atque ma-terialium solum respectuum observationibus inhærendi, dura illa necessitas ultro urgeat. Non quidem placet in otiosam atque odiosam ψυχολογίαν excurrere, & vulgares fabellas, plurimum metaphysicas occinere, sed illa, quæ ad fenfum Moralem & cenfum Medicum pertinent, explicare, proficiet. Minime enim latet, quomodo degeneraverit hæc ψυχοσοφία in posteris etiam ævis, ut propterea Guil-bertus Cognatus jamjam permotus fuerit, animam rem monfrorum monstrosissimam appellare, præprimis cum ad monitum Pythici illius Oraculi notitia sui ipsius magnis quidem nominibus commendata unquam fuerit, Sophisticis vero, vel vacuis atque umbrosis rationibus & demonstrationibus explicata & complicata, existat, ut eapropter tædiofum fit, steriles illus altercationes circa cognitionem essentiæ animæ occupatas, & adhuc extravagantes, exaudire; quem frustraneum modo laborem non male Seneca Quest. Natur. Malebranch. de inquirend, verit. Poiret de cogit. ration, Thomasius Jurispr. div. aliique discusserunt, Aft, certe mihi nullus dignior in rebus Scientificis labor videtur, quam qui in inquirendis viribus atque motibus animæ solers atque attentus existit. Ubi quidem penitus vereor cum Alemaone Pythagorico in illam confusionem descendere, qui ipsam animam in motu consistere, asseruit, dum, illud consistere, adhuc sanæ rationi multis difficultatibus immersum, non frustra videtur, quod ab illa confusa declamatione, quasi anima nihil aliud, quam mo-tus sit, haud multum abludit. Quin sordent ridiculæ illæ fabellæ, quas Cartesius de anima animique passionibus non in aurem, fed in publicum, dixit, ex cujus ψυχολογία, rectius ψυχαλογία, uti ex reliqua illius Physica doctrina, facilis datur lapfus vel in Naturalismum vel etiam Atheismum, vel in idololatriam Philosophicam, dum motum pro movente, actum pro agente, configurationem partium, pro altio-

ri principio dirigente, materiam intellectivam supponit, statuit, defendit: quamvis non deficiant, qui Cartesium ob id mirifice extollere gestiunt, quod priscos errores in voχοσοφία emendaverit, cujus contrarium vero rectius attestatur Petr. Poiret de Erudit. Solid. ut & Autor tractatus Voyage par le mond du Cartes. Nec non illi vestem perdunt, qui obsonium quærunt in Philosophia, antiquioris Xenophanes & posterioris Roberti Fludd qui animam Spiritum appellantes, Mysticam nudam animæ Philosophiam & cognitionem affectant ac declamant; Vulgares vero operationes animæ vel neglenter observant, vel otiose explicant: Sed cum ex his scopulis permeandi & emergendi facilis sit occasio, otiosum etiam esset, diu hisce gurgitibus inhærere. Quid vero magis evidens est, quam indies observare posse illos patheticos animæ motus, in quantum meris moralibus æstimationibus indulgent, ex quo admirari quisquam posset, in quem finem & ob quam necessitatem iracundia, terror, timor, tristitia, gaudium, desiderium exerceantur atque foveantur, quo ordine & quo nexu, & qua ratione unum acceptum, alterum adversum reputetur, cur adversum non sit, aut non possit esse, gratum & jucundum, nisi hic præmaturum animæ motum & conclusionem imo præjudiciosam argumentationem accusare facile quisquam possit, cum anima nostra longe simpliciori ac tranquilliori procedendi & operandi modo objecta apprehendere, comprehendere, & veriori sensu observare & intelligere posset: quidni enim iræ fervor, terroris vis, timoris essicacia impediret cursum ad veritatem collineantem? quidni æstimatio adversi præmaturum sæpe conclusium de accepto formaret? unde irrepsit illa frigida defensio atque excusatio, quod de sensibus disputandum non sit. · Ubi iterum vix ferulam & castigationem evitat, aut subterfugit Cartesianum illud figmentum atque insomnium de intellectu mere passivo atque physico, quasi objectis illa insit vis A 3-

æstimationem hanc excitandi & disponendi, cui favet vulgaris canon, quod objecta moveant fensus, cum perversa sua interpretatione, quasi objecta absolvant atque dirigant sensus, nisi huic cespitationi manifeste contrarietur, simplicissima observatio, quod hac astimatio sit negotium fugitivæ cujusdam deliberationis de malo & bono, vel vere tali vel supposititio & præconcepto. Sunt vero hi admirandi sane animæ effectus, quorum nullæ prostant rationes, nisi quæ petitionis principii argui possent, dum vulgo quæstioni, cur irascitur, contremiscit, timet anima, responsum fit, eccur rebus fic aut aliter stantibus & succedentibus, irasci, terrore percelli, aut timore angi quisquam non deberet, quinfiad incitas redigitur Philosophia hæc, nisi ultima illa exclamatio intercidat, cur anima est erronea! ut proinde verum illud fiat Philosophi effatum, quod tota vita humana erroribus transigatur. Ecquidni, ut admirandi, reputandi hi veniant actus? qui animæ humanæ post lapsum essentiales fere sunt, quatenus nunc ut corrupta assumenda & observanda est, dum hæc recta & vera de objectis sentire credit, quæ tamen falsa atque sictitia existunt: Imo cum admiratio non raro aliquo ignorantiæ nævo laboret, hi merito admirandi funt actus, qui ignorantur, quod erronei sint: Id quod olim jam sapiens Socrates contra Sophistas strenuè defendit: Tanto magis admirationem promeruit, qui hæ patheticæ animæ commotiones in actus vitales transferantur, & quidem admiratione digna est hæc quotidiana observatio, hodiernis imprimis temporibus, ubi ordo & œconomia actionum vitalium ab animæ influxu, concursu & unico directerio tam rigorose separatur, nisi ad nauseam illos paralogismos obtrudi audiamus, quod in hoc solo animæ concessium sit, ut corpus suum alteret, ubi vero adhuc irresolutæ supersunt quæstiones? Cur non in aliis circumstantiis? ob quem finem in hac fola? quo nexu in hac fola? quo ordine, qua dependentia, qua caufandi, fiendi, fuc-

cedendi & exeundi ratione? &c. Videtur interim quali hæc observatio, ut vulgaris, nulla ulteriori consideratione, nedum admiratione digna effet, dum adeo frequenter occurrit : attamen quamvis Historia facti plana atque certa existat, nondum tamen liquet, quamobrem hæc ita fiant, & an corpus, in quod hæ alterationes redundant, de usu illo, quem sibi in moralibus ex hisce pathematibus essengit aut promittit anima, participet. Et quonam connectendi ordine posset Medicus judiciofus atque rationabilis exacerbationes morborum per animi pathemata non modo vere intelligere & prudenter explicare, fed & ita adæquate tractare & mitigare, uti huic harmoniæ inter mores & vitam conveniens effet: dum in contraria parte nude physicæ contemplationes, sive materialium affectionum aufteri & severi respectus, moralium vero & finalium intentionum neglectus, falutarem Therapiam indies deludunt, atque destituunt. Hinc optimum etiam illum judico Medicum, qui in doctrina Morali bene & accurate verfatus, certus & firmus est; quin ausim asseverare, quod hæc doctrina longe præstantiorem & usum & utilitatem in Medicina tam Theoretica quam Practica mini-Aret, quam per innumeras laudes deprædicata illa Physica, utpote que lepidis illis & toties transfiguratis particularum Chimæris immersa, nihil nistinanes stimulos, aculeos, vellicationes, irritationes, aut alioquin factas & fientes obstru-Stiones, fermentationes, fexcentorum falium generationes, aut ætheris vel impeditos vel auctos & impulsos concursus & intercursus, temere effingit, male applicat, jejune explicat, coque ipso Medicam utilitatam penitus destituit. Quemadmodum vero hæc quæ dicta funt, Moralem Philosophiam spectant, ita maximopere etiam Medicinam illustrant, ut minime necesse sit speculativis solum respectibus inhærere, sed liceat & deceat practicum præprimis usum observare. Admiranturinter alia multi, qu'i fieri possit, ut tanta copia sangvinis in diversis subjectis vel indies vel alias etiam frequen436 (8) 36%

ter profundatur, dum in aliquibus, præprimis in puerulis aut adolescentibus, narium hæmorrhagiæ tanta ubertate succedunt, ut in admirationem plebs cumprimis rapiatur, unde omnis hic fangvis oriatur, & cur non omnem fangvinem ad ultimam, ut ajunt, usque guttulam excreverint, nisi hicoccurratratio & æstimatio jucundi & adversi in natura humana a-&tū talem excretorium absolvente, quæ ad intentionem exercendi hujusmodi actus, majori semper activitate tantum sangvinis citius reparat, quanto ad novam excretionem indiget, & in reparatione sangvinis jucunditatem, in excretione vero adversationem fovet & exhibet: Sub hoc vero jucundi & adversi æstimatione errores non exiguos in œconomia vitali committit. Et quidni naturæ jucundum fuerit, si plus sangvinis colligit imo coacervat, quam quantum ad quotidianos usus requirit. Quidni adversum extiterit, si sangvinem excessive expellit, etiam cum vitæ suæ jactura, ut tandem in utroque statu conspicui errores emineant. Simili ratione pingvescentia, appetitus liberalis, Pica & Malacia gravidarum, quin relique harum immoderate ogeges, in æstimatione jucundi consistunt, que estimatio non modo individuo molesta, sed & cum tempore noxia & inimica evadit. Ita etiam fingulæ excretiones,&molimina excretoria ratione adversi innituntur, quantumvis natura nullos tales ad excernendum apparatus institueret, nisi materiam eliminandam ut adversum objectum vel vere reputet & dijudicet, vel etiam perperam præjudicet: aft an non in hisce negotiis multi errores intercedant, experientia attenta observare & judicare docet. Comprehendunt itidem peculiarem considerationem adversi, Sontici illi humorum raptus ad caput, quorum Veteres frequentem mentionem faciunt, quibus cum natura etiam in febribus acutis, cumprimis adversum & molestum sangvinem prosequitur, quem è capite essundere toto studio imo non raro magno cum impetu laborat; Ad qualem generalem adversi ideam formandam, disponi potest atque solet natura per V. Sectionem in ejusmodi febribus

præpostere celebratam, per remedia & regimina vel positive calida imo etiam volatilia, vel positive refrigerantia, per simplicem symptomatū febrilium, præcipue veroæstus, virium dejectionum,nimiarum vigiliarum &c.curam; quod maxime in subjectis junioribus, activioribus, plethoricis, sensibilioribus, ad movendum promptioribus, ad hæmorrhagias magis inclinantibus, vel iisdemante hac adfuetis contingere folet: utpote quas circumstantias non negligenter aut superficiarie passim & observavit & commendavit Hippocrates: quod vero ejusmodi aroxas formatæ ideæ multis periculolis & difficilibus fuccessibus atque eventibus expositæsint, vel ipfa Synocha putrida, a prifcis Medicis allegata, vel alia composita febris, acutam periodum & indolem servans, abunde comprobant. Admirandus etiam animæ humanæ effectus est, fictitia illa grati æstimatione, innixus, quando in superficie corporis varia concrementa fibrofa, carnofa, membranacea, vasculosa, nervosa, filamentosa, squamosa extraordinaria plane activitate, ut fungi, farcomata, & illæ Epigeneses, Paracelso imprimis Natta & Talpa, dicta, verruca, nodi, strumæ, polypi&c. emergunt, in quarum remotione nulla melior deprehenditur cura, quam quæ per Sympathiam efficax est, ut contactus manus mortui (cujus efficaciam peculiari solertia describit Wedelius A. N. C. dec. z. an. I. obs. ii. fudor emortualis, aut modo demormi hominis, assumtio potus ex cranio hominis, impositio manus regiæ ad strumas, cujus peculiari studio mentionem injicit Andreas Laurentius in cura strumarum, offium humanorum, calcinatorum usus, quorum efficaciam in dysenteria laudavit Ledelius Dec. 2. an. 2. obf. 38. aut quæ alia experimenta cum fubjectis violenta morte oppressis, cum bufonibus, muribus, lacertis, talpis, araneis &c. fuccedunt, & quæ peculiaris Clauderi est annotatio dec. 2. an. 4. obf. 146. de Aqua, qua mortuus lavatus, nimium appetitum Spiritus Vini fedante; qualis similis hujus Aquæ concursus ad admirandum

436 (10) 38%

dum effectum, mihi innotuit, ad pertinacem nimirū mensium suppressionem, dum sub mensium sluxu inopinato assumta fuerat. Talis mensium suppressio ex attactu solum demortuæ matris, in puella allegatur ab Anhornio dec. 3. an. 1. obs. 37. quippe quæ fingula animam alterantia, illam ideam præjudiciose gratam perturbant, ut post hac anima hoc gratum in adversum immutet, & à prædictis imprimis excrescentiis ultro fovendis, conservandis, augendis, nutriendisque abstrahat atque cesset; qualium effectuum latius reminiscuntur, Fienus, Marius, Dygbaus, Camerarius, Horstius, Bartholinus, Schenkius, Donatus, Hildanus aliique multi, de viribus imaginationis, & diversi celebres viri atque Membra A. N. C., quæ testimonia singula hic recensere, nimis diffusum esset. Interim familiarem illam rationem adversi annotare placet, dum varii homines feles in conclavi quodam latitantes perferre nequeunt, & ex eorundem præsentia in sudores anxios, angustias præcordiales, vertigines, lipothymias, palpitationes cordis, tremores &c. prolabuntur, cujus phænomeni nulla fane & certior & planior ratio reddi potest, quam quod hic occurrat, singularis aversio odoris transpirantium effluviorum e felibus. Secundum quam maximam aversionem, tales vitales alterationes intercedunt, quæ cum illa pathetica aversione ratione finis simpliciter conveniunt: dum contra à veritate multum aberrare mihi videtur illa traditio & suppositio, quasi effectus tales singulares, essent simpliciter turbulenti, & ab effluviis animalium illorum excitarentur, formarentur & provocarentur; in qua assertione, ne minima rationalis connexio occurrere solet, tantò magis si famosi illi spiritus in coadjutorium vocantur. Quam admirandi vero effectus ex animi pathematibus concitati, in historia & experientia medica occurrant, attestantur non modo tot observationes in publicum emissæ, sed quotidiana etiam praxis Medica. Quantum usum vero habeat hæc notitia in Therapia facile illi effectus & eventus comprobant, quando in ejusmodi affectibus & morali & medico auxilio animæ commotæ dextre succurrit Therapevta, ut sane frustraneæ deprehendantur reliquæ inventiones materiis corrigendis atque expellendis intentæ, nisianimus antea compositus, mitigatus & in continentiorem atque tranquilliorem statum redactus & promotus fuerit. Quid valeant animi pathemata in exacerbandis morbis, quotidiana praxis edocet, vt in hoc documento aperte liqueat, quibus, quando, quantum, cur, motibus vitalibus hæc anima hanc alterationem inferat; de qua tamen singulari studio observandum, quod neutiquam confusa, irrationalis aut tumultuaria existat, sed, ut modo indicatum, huic pathemati, quam maxime conformis; uti iracundia ad vehementiores commotiones, expulsiones, prosecutiones, mœror, pudor, tristitia ad retentiones, abstractiones, cessationes, remotiones, terror, ad repentinas deiectiones & immoderatas oppositiones, desiderium ad titubantes & alternantes commotiones & retractiones, indies satisfacere solent. Quid frequentius videre est, quam Epilepsias ex Terrore vehementi in sensibilibus subjectis, præprimis infantibus, ortas, qualem singulari indu-Aria exponit Ledelius dec. 2. an. 3.0bf. 101. Garmannus dec. 3. an. 9. 6 10. obf. 56. 57. ita describit febrem ex imaginatione Bartholinus dec. 1. an. 2. obf. 165. qualem febrem & quidem tertianam ex nudo terrore, ob digito inflictum vulnus, concitatam, & quidem contumacissimam conspexi in Theologiæ candidato hic loci; mortem ex imaginatione Schulzius ibid. obf. 137. mortem ex pudore Ledelius dec. 2. an. 4. obf. 157. hæmoptysin ex terrore Polisius dec. 2. an. 4 obs. 45. aphoniam ex iracundia Hannemannus dec. 2, an. 3. obf. 49. purgationem ex imaginatione Schmidius dec. 1. an. 4. 6 5. obf. 160. Paulinus ibid. an. 6. 67. obf. 238. Cent. Ephem, obf. 129. Meyerus. Sorbait dec. 1. an. 2. obs. 16. dolorem imaginarium. Albrechti dec. 3. an. 9. & 10. obs. 4. de intempestivo pudore ægroægrotis noxio, D. D. Stablii Schediasma de motu tonico vitali, in quo observare licet, quid pudor ad vomitus cruenti recursum contribuerit. Qualia plura testimonia allegare forte necesse non fuerit, cum nimis frequens sit talis observatio, qua animi pathematum influxus ad diversos effectus commonstrantur. Quemadmodum reliquam imaginationis potentiam exposuit Greiselius dec. 1. an. 3. abs. 45. Interea non aliter, quam miraculofa effe potest vis imaginationis in brutis, illis præprimis, qui ex brutis nil nisi machinulas, quæ ab objectis & effluviis moveri & dirigi debent, effingunt; quam affertionem vero a veritate maxime alienam esse, firmiter judico: qualem admirandum essechum describit observatione quadam Cleyerus dec. 2. an. I. obf. 16. Reifelius dec. 2. an. 2. obf. 119. Blegny Zodiac. Gall. Menf. Febr. obf. 8. (quibus adjungere possum meam observationem, dum ante aliquot annos mihi Noribergæ in horto spectatissimi mercatoris, habitans vir plebejus, destillando spiritui ardenti operam navans, ovum ab aliqua gallinarum suarum depositum monstraverat, cui egregie impressa imo adstructa fuerat, figura patibuli, qui locus supplicii non procul ab horto illo positus suerat) variique alii. unde non superficiarie aut simpliciter curiose absque ullo tamen præjudicio inquirere integrum erit, an bruta etiam gaudeant tali principio rationabili, ad imaginationes formandas capaci, quemadmodum imaginationem fine ratione concipere & supponere velle, æque esset, ac famosis illis spiritibus yvãou ratione carentem assignare i. e. rationem sine ratione, lucem sine radiis luminosis & motu luminoso credere & arcessere. Ad tales effectus referri debent mutationes colorum in volatilibus imprimis Pavonibus candidis, peropposita objecta albicantia, femellis pauonum nunc cum masculo coeuntib9, concipientibus, ova formantibus imo deponentibus iisque incubantibus, oblata, candidum colorem nactis, quod experimentum rerum physicarum curiosi, *07999

· (13) 影響

experti atque avidi in aliis volatilibus imitari commode sciunt, unde aves illas ab infulis canariis denominari folitas variis in locis ad imitationem hujus experimenti egregie colorare sciunt: qui color albicans in objectis oblatus à parentibus perspici, adverti, ab aliis distingvi, & sub peculiari idea principio formanti pulli communicari & imprimi omnino debet: ubi irritum maximopere esset hæc talia sorti vel casui fub eximiis hisce circumstantiis adscribere velle, vel materiis inversis atque communicatis, vel spiritibus, qui tamen me hercle nesciunt, quid album aut nigrum sit, nedum ideam de albo formare, aut communicare & transferre possunt, attribuere; ubi admirandi occasio sequentibus circumstantiis Subministratur. 1) Quod animalibus brutinis inditum etiam sit principium rationale, quod 2) Cum ita dictis Animi pathematibus perfrequenter agile & activum est; quo loco certe rejicienda est cruda illa Cartesii Philosophia de hoc negotio, quæ ita in epistolis miscellaneis judicat, videtur bruta habere & exercere tales actiones etiam patheticas, ex quibus colligere liceret, brutis inexfiftere ens rationale, fed iram quam bruta exercerent, non esse iram, attamen iræ analogam, odium non esse verum odium seu invidiam, gaudium non esse verum gaudium, sed gaudio conformem actionem, & quæ plures occurrunt otiofæ atque lepidæ tales fabulæ. 3) Hoc brutorum principium rationabile, di-Ringvit objecta, eorundemque crassas qualitates. 4) Has retinet in memoria & phantafia. 5) Easdem ultro communicat, non per corporeum aliquod commercium, quia ne fingi quidem potest propagatio idearum per corpora & median-te corporeo intermedio, sed per subtilissimum rationis sinsplicis actum, quo cum unum principium rationale in alterum movere & operari potest & solet 6) Quod alterum principium perinde simplici quodam rationis actu ideas tales asfumat, confervet, illarum reminiscatur & 7) ad easdem tanquam ad Protypum actum structionis & conformationis in-Quemadmodum 8) tales figurarum delineationes B 2 in

in ovis gallinaceis, aut colorum variationes ad oblata objecta citra rationis usum, numquam fieri aut succedere possunt, ut pote qui actus stant sub directorio & judicii & discretionis. Et quales non admirandi effectus in gravidis ex animi pathematibus & imaginatione firmiori indies proveniunt, quos cum B. Sturmio fortuitos appellare, aut ex feminiis in athmosphærasluctuantibus & oberrantibus derivare merito vereor, quales effectus multiplices, ut in Misc. A. N. C. ita passim alicubi commendati prostant, ex quibus singularem, qui mihi interalios constat, annotare placet: novi matronam generosam non procul ab Hala nostra, quæ junior aliquando cum marito suo generoso e fenestra sui domicilii adspexit mane famularum officia, brutis, in nobilium aula fustentari folitis, infervientia; inter alia vero observavit hæc Matrona cum fummo gaudio & ridicula admiratione cohortem anatum emissorum, qui cum multo strepitu atque clamore cum rostris suis colludebant, hunc rostrorum motum hocque certamen non modo cum extraordinario & excessivo gaudio advertit, sed & per multiplices dies illius memor facta; concepit eo tempore hæc nobilis femina, & post trium menfium decursum, exclusit frustum carnosum, cum novem ro-Aris anatinis præditum, quæ rostra repetito movebantur, aperiebantur, claudebanturque: unde quæstio moveri non immerito potest. 1) Unde hoc concrementum? 2) Unde hoc frustum proxime prægressæ lepidæ ideæ de rostris anatinis formatæ, conforme redditum? 3) Unde illi motus in illis rostris, in frusto tali, omnem nude mechanicam rationem deludente? &c. ubi iterum à liberali illa fascinationis accusatione abstinendum esse censeo, in explicandis ejusmodi effectibus, qui tamen animæ petulantis & aberrantis viribus penitus innituntur: hinc mirari quisquam posset, si asseverare audeam, animam humanam generare etiam corpora brutina, eademque vivificare cum divifa sua anima, qui non alii quam erronei effectus ejusdem animæ, ab humanitate de-

flectentis, existunt. Ita partum murium aut glirium non semper incantationibus temere assignare licebit, cum anima humana, similem animalium genesin imitari valeat, quod ipsum affirmant Paracelsus, Albertus M. & Thomas Erastus de Medicina nova Paracelsi. Non placet excurrere in inquisitionem admirandorum effectuum, principii illius, quod alias animam vegetativam nuncupare folent; fed documenti loco allego herbam orchidis antvopophoræ maris & feminæ, nec non orchidis cum aviculis, quæ fisticur dec. 1. an, 2.obf. 41. Admiratione dignus porro est ille animæ esfectus, quo ad imaginationem prægressam sirmiter formatam, insolitum quid primo generatur, deinde vero peculiaribus quibusdam motibgultro urgetur&actuatur,qualem lectu digna historiam Wagnerus dec. 2. an. 10. obf. 109. de vi imaginationis ex intuitu incisionis Tumoris, commendat; qu'i enim contingit, ut subje-Eta fensibilia & ad animi pathemata præcipitia in aliis individuis multas verrucas cum aversione maxima & horrore obfervantia, fimilem verrucarum excrefcentiam in fuo corpore experiantur? novi juvenem delicatum, qui ad conspectum cum terrore conjunctum, servi, horrido erysipelate affecti, simile tale Erysipelas expertus est. Cur subjecta palpitationibus cordis exposita, quando firmius harum palpitationum reminiscuntur, easdem frequentius experiuntur, eo ipfo etiam tempore, quo de eadem cogitant, illam fubeunt: quo pertinet prædictus casus Polisii de hamoptysiex terrore. Quid valeant animi Pathemata ad concipiendos & formandos morbos, attestantur imprimis contagiosi affectus, unde videre & exaudire est, quid terror aut animi dejectio contribuat ad subeundam pestem; dum sanæ rationi congruum quam maxime existit, quod ejusmodi subjecta miasma pistilentiale in corpore suo continuerint, quod vero sub tranquilliori animi statu consuetis semper motibus eliminarunt, quam primum vero animus per terrorem commovetur, tunc peste laborare actu inchoant, ubi commota nunc anima febrili vigore expellendo huic inquinamento omnem operam impendit: hinc semel febrili illo motu expulsa materia pestilentiali, postea pestem, quamdiu illa adhuc durat, sub peste decumbentibus atque demortuis subjectis conversantia talia subjecta, illo tempore non facile ultro experiuntur, ubi tamen negari minime potest, quod miasmaillud subtile denuo eosdem homines inuaferit, quia vero corundem animus nunc firmior redditus est, atque confidentia & continentia plenior, ob feliciter superatam pestem, ita ob defectum angoris atque terroris, denuo pestem non incidunt, si vero iterato talia animi pathemata foverent, æque iterum in pestem eosdem prolabi posse, firmiter credo, utijuvenis ille bis variolis correptus, cujus mentionem facit Dobr Zensky dec. 2. an. 4. obf. 29. Peculiarem talem morbum ex nimio desiderio emergentem, sistit fere ridicula illa Nostalgia, quam jam abunde descripserunt Zwingerus, Harderus, Valentini, & quam cum Scheuch. zero, Viro alias erudito & curioso, climati Helvetiæ imputare, merito abstineo i) Quia pathemata quæ ægrotantes ex-periuntur, nullam connexionem cum causis materialibus, verum rectius cum moralibus servant. 2) Quia aliæ nationes hoc affectu correptæ deprehenfæ fuerunt, ut Belgæ, qualem casum etiam Giesse observatum allegat Valentini Infallib. Praxi. 3) Quia aer densior & magis elasticus nondum absolvit & exhaurit rationem effectuum in Nostalgia præcipue occurrentium, qui præprimis ipfum animum concernunt. 4) Quia hic affectus per morales caussas & occasiones concitari potest, vix vero per physicas, ad quas pri-ores pertinet, ut ejusmodi homines memores reddantur suæ patrix, utinter exteros severe & serviliter tractentur, magis illudantur, & ad tristitiam commoveantur. 5) Quod hic affectus maximopere per moralia curari possit. 6) Quod ægrotantes tales in exteris locis pristinæ integritati restituantur, quando horum parentes ad loca talia migrant, & ægros

總 (17) 影

ægros suos filiolos visitant. 7) Quod in confiniis Helvetiæ similis subtilior aer reperiatur, qui ad sanitatem incolarum Helvetiæ defideratur, in quibus vero locis nonminus Nostalgia corripiuntur. 8) Qui melodiæillæ sive cantus armenta pascentium rusticoru, quem dicunt den Ruh Repencitra præviam aeris densioris efficaciam, nostalgiam provocare possit, obid o) lubens Hardero applaudo, circa ufum Nitri in Nostalgia, quod alias ad mitigandos motus, ab animi pathematibus proveniences, efficax & utile existit. Unde rectius hunc affectum malæ educationi, animi mollitiei, & desideriis illis moralibus anxiis adfcribere foleo, quo etiam quantisper Zwingerus in Disfertat. Medicis Selectioribus consentire videtur. In quantum campum vero non descendere possim, si miraculofos illos animæ aberrantis effectus in ftructura nævorum maternorum pro merito indicare velim, qui an animæ adscribi debeant, nullus dubito, cum eosdem antecedat firma quædam & cum tenaci pathetica commotione impreffa imaginatio objecti cujusdam externi, fecundum quod tam accurate & exquifite hi effectus ordinantur, in quibus tam anima matris, quam fœtus activa deprehenditur: illa in excipienda, contumaciter retinenda, & communicanda taliidea, hæc in assumenda hac idea ab anima matris, & ad illam figuram illius ideæ in apto loco adstruenda &delineanda, quem moralem fenfum tanto magis confirmat hæc confideratio, quod ad objectum oblatum, aut interlapfum percipiendum & retinendum anima rationalis absolute requiratur (hæsitant enim declamationes & figmenta Cartesii, quæ intellectum passivű agnoscunt!) quod objectorum ideæ figurativæ non per aliud nisi rationabile principium propagari & ultro aliorfum transferri queant, quod hæc idearum communicatio ab anima in animam sanæ rationi conformior sit, quam si ex anima in materiam agente derivaretur: quod inter animam matris & fœtus necessarium adsit commercium atque vinculum, dum in uno ergastulo exifunt, nimirum in corpore matris, & circa unum actumoc-

C

cupantur, videlicet circa actum generationis, dum anima fœtus corpus struit, anima matris vero locum aptum ad Aruendum ministrat & concedit, & materiam ad actum formationis convenientem suppeditat &c. &c. unde certe sanæ rationi congruum magis existit, quod ejusmodi effectus morali magis activitate, quam physica potestate & necessitate innitantur. Cui meæ propositioni, non modo firmitas connexionis applaudit, sed & ipsa experientia assentit, dum hifce nævis neque certius neque melius subvenitur, nisi per ejusmodi auxilia, quæ motus animæ attinent & Sympathetica vocantur, quemadmodum contra, alia tentamina & pharmacevtica & chirurgica non modo multis æquivocationibus & difficultatibus, sed & periculis sonticis exposita Qua tamen occasione nemo, ut spero, desiderabit, ne dum maturius exspectabit, explicationem, quo modo, qua methodo, quibus motuum gradibus, qua inventione, quo ordine hæ ideæ propagentur ab anima in animam, fufficit ut to ott ex innumeris exemplis observemus, quamvis το διότι adhuc lateat; allaborabo vero tunc, si fieri potest, ut hujusmodi fiendi rationem reddere possim, quam vero minime maturius promitto, quam si mihi physicus distincte & rationabiliter explicaverit, quo modo motus e corpore in corpus transeat, quomodo motus cum materia cohæreat, quo modo anima in communibus patheticis commotionibus ideas fuas transferat & ad easdem instruat & ordinet motus vitales, ubi tamen iterum humaniter deprecor, obscuram illam communicationem motuum per spiritus, aut per contactum, qui contactus minime exhaurit 70 διότε fed magis implicat & obscurat; imo adhuc quærendi occasio justa suppetit, qu'i fiat, ut, quando duo corpora se contingunt, motus ab uno corpore in aliud transcendat, & non in primo corpore maneat? qui fiat, ut sub hoc contactu motus transeat? quomodo progrediatur in alterum corpus? quorsum motus abeat è corpore visibili commoto, si desinit fuccessive moveri? an motus maneat materiæ innexus & tune acquiescere incheet? que communis illa fabula est, quæ de motu concreato obtrudi solet, an vero & quomodo in alia corpora, præcipue invisibilia, subtilia, sensum visus fallentia, procedat? hæc si resoluta fuerint, quæ tamen irresolubilia sunt, tunc resolvam etiam meum Sión. Interim facile liquet hujus argumentationis iniquitas, infirmitas atque fallitas, cujus rei modum fiendi non intelligo, illius rei modus essendi verus non est, sive cujus rei rationem, quomodo fiat, non intelligo, illa res vera non est, qui ex defectu cognitionis modifiendi, ipsum fachum negant: quo loco facile intercidit instantia, atqui ignis modus fiendi non percipitur, ergo nullus est ignis, aut, ergo Ignis non urit, ardet, flammat, atqui modus connexionis motus cum materia non patet, ergo nulla materia movetur, atqui modus ille non liquet, qui tam accurate motus ordinare possimus in pedibus, in conscendendis gradibus scalarum, in transcendenda fossa, ad distantiam aliquam visibilem extensa, qui tantos & tot motus manibus & brachiis immittamus, quot ad transmittendum lapidem ad certam & præfixam metam obtinendam sufficiunt, ergo hæc singula non fiunt sub justa motus directione, distributione & dispensatione. Transcendit vero hoc Jión sphæram, potestatem & capacitatem cogitationis humanæ, unde in observandis effectibus, & annotanda illa circumstantia, a qua illi effectus dependent, solliciti, accurati & contenti esse debemus: Consultius enim est ad Senecæ monitum, sincera fide consiteri, quod talia non intelligamus, quam ut aliena & falfa obtrudantur: Hæc vero an Praxeos Medicæ utilitatem, commoditatem accrementum & certitudinem promoveant, facile indicari potest, ne mere speculativa & physica reputentur. In omnibus enim morbis tam acutis, quam chronicis, tum benignis, tum etiam malignis principaliori activitate concurrit hæc C 2

ani-

anima, partim sensibilitate sua, partim majori æstimatione rerum corpori inimicarum, partim motuum justa directione & promotione ad falutarem finem, partim horum motuum alteratione ob aliam intercedentem ideam: Undein Praxi ipfa majorem confiderationem habere debemus hujus activitatis, & observare, an non hæc natura sive anima hominis in vitalibus activa, ordinem justum transgrediatur? an non nimia fensibilitate in corpore activa sit? annon plus aut minus objecta & subjecta æstimet, quam necesse est? an non peculiaria pathemata animi intercedant, ob quæ justa methodus in autocratico actu alteratur? an non in motibus magis, quam materiis culpa lateat? an natura agat illa d'source ad que provocat Hippocrates. Propteres maxime interest, ut ad monitum Valleriole Lib. 1. obs. 1. constantes adversus morbos eamus, naturaque motus solerti indagasione perspiciamus, remediisque parati, diritati morborum arte nitamur: & hæc tanto magis nosse expedit, quo veriori emphasi Hippocrates Lib. 6. Epidem. professus est, quod bominum verissima medicatrix sit natura. Quæ etiam caufa est, cur multoties spes medicum frustretur, a nudis materialibus, physicis & mechanicis causis inhærendi, libido continuat & premit: Unde recte Valleriola effatur. Lib. 1. obs. 4. ea causa est, cur sæpe deserti à Medicis convalescant; quod arcani natura motus, quibus ipsa in servando fovendoque corpore utitur, & à mortis injuria vindicando, non satis nobis perspecti sint. Quinipse Galenus & cum illo citatus Valleriola confitentur: ille in Libr. an animal sit, quod in utero continetur. Hic Lib. 1. obs. 4. quod ineffabilis atque recondita sit, prorsusque nostra cognitione profundior natura occulte operantis, ratio, qualis est ratio тв бють Hinc ingens sane hic est usus in arte Medica, ut sciamus, an animænimium operanti, parcius & negligentius moventi, tergiversanter titubanter aut plane erronee agenti succurrere debeamus; quin expertus hæc dico,

quam eximium usum habeat doctrina Moralis in Medicina practica: quo etiam illi inclinare videntur, qui morbis per carmina & cantus subvenire cogitant, modo non latius hæc adminicula extendant, quam limites sanæ rationis concedunt: Ita enim Macrobius, Somnio Scipion Lib. 2. loquitur: babitus anime cantibus gubernatur ut & ad bellum progressui & item receptui canatur cantu, & excitante & rurfus sedante virtutem: dat somnes, adimitque, nec non euras & immittit & retrabit: iram suggerit, Clementiam suadet, corporum quoque morbis medetur. Conf. Wersloshnigg. dec-3. an. 9. 6 10. obs. 27. de cura febris malignæ per Musicam. Quantum vero valeant nimiæ sensibilitatis moderationes, alienæ æstimationis emendationes, aberrationum correctiones, immoderatarum & iracundarum actionum mitigationes, lenitiones, confopitiones, præprimis aptæ & convenientes, fimulationum in vitali etiam negotio occurrentium remotiones, dubiorum excussiones, metuum discussiones, negligentiorum motuum prosecutionum excitationes &c. quotidiana experientia affatim comprobat, ut hiclatius de hac re differere neque locus neque necessitas postulet. Ob id vero artis necessitas deneganda minime est, quam nuper accurate commonstravit peculiari dissertatione D.D. Stablius cui negotio etiam quantisper inculcando, directe fuit annexa mea Epistola de Natura & Artis commercio therapevtico. Sed missis hisce cum multa de hac re & jucunda & utilia adjungenda essent, placet tamen ad hoc negotium nimirum ad confirmationem afferti mei, quod doctrina moralis Medico maximopere necessaria sit, observationem pertinentem, notatu dignam jungere: novi virum hypochondriaco Spleneticum, qui cum multis sui mali cruciatibus, diu jam defatigatus fuit: hic abhorrescebat omne colloquium hominum, imo expavescebat etiam adspectum hominum, & solus solitudinem amans, quærens, urgens & affectans, profundis meditationibus & phantasiis indulgebat; C 3

mul

multasane medicamina adhibuit, ast frustra; tandem invitus etiam à proximis confangvineis ad confortium & convivium amicorum plurium protractus fuit, quamvis cum multa anxietate, metu & horrore resistens, per initia vero sui accessus, semper cum profundis suspiriis aspiciebat portam illius hypocausti, in quo convenere, tacite voluptatem auffugiendi & abeundi indicans, sed quamprimum discursibus & amicis colloquiis immersus fuerat, excussit omnem anxietatem, pavorem, metum, oblitus omnis folitudinis, confabulabatur cum maximo gaudio cum fuis amicis, intererat huic convivio edendo, potando, sermones miscendo cum voluptate & ultimus tunc fuit, qui discessit, exclamans: ô quam mutatus ab illo: qui etiam mutatus & liberatus ad longinquum tempus à pristinis passionis suæ cruciatibus, & phantaliis aliisque animi perturbationibus: & quod in hoc viro pharmacia efficere non potuit, effecit subsidium morale: Cujus rei ex mea aliorumque observatione plura documenta allegare possem, si Tua VIR MAGNIFICE patientia abuti non videri gestiam. Tam admirandi vero sunt animæ humanæ effectus. Admirandus præterea animæhujus effectus est, quod in corpore suo subjecto superflua nonnunquam struat, conservet, foveat, retineatque, ut plures digitos, quales superfluos ita temere amputare, periculosissimum tentamen est ob incoercibilem veluti supervenientem hæmorrhagiam aliaque accidentia suspecta; tales superfluos digitos, (uti multi quidem alioquin viderunt) descripsit peculiari historia Prückelius dec. 1. an. 9. 6 10. obs. 8. Wincklerus dec. I. an. 6. 67. obf. 118. A. N. C. Cent. ad obf. 113. append, ad superfluos tales effectus pertinet cor numerofum, quemadmodum observavit cor duplex in monstrobicipiti Raygerus dec. 1. an. 1. obs. 7. tres mammas in muliere Bartholinus dec. 1. an. 2. obs. 72. Duplicem dentium ordinem Lan-Ludov. XIII. Rege Galliarium Bartholin. Anat, reform, conf. diff

diss. anatom. Lanzonii de dentibus, vidi ipse talem dentium duplicaturam in puella civis hujus loci, diu gestatam in qua tamen anterior ordo successive excidit. In ansere tria corda deprehendit Menzelius dec. 1, an. 9. 6 10, obf. 103. Pluralitatem pedum præcipue in brutis varii curiosi viri annotarunt, ut Polisius dec. z. an. 4. obs. 41. de quadrupede ansere. Hoffmannus de pullo gallinaceo quadrupede dec. 3. an. 1. obf. 142. Qualia exempla plura allegat Licetus de Monstr. Lib. 1. c.4. ita fimiliter pullum talem vidi cum tribus pedibus incedentem in œconomia mercatoris cujusdam Noribergæ ad ædes Div. Laur. facras habitantis, quamvis mox petulantes famulæ tertium pedem, ut superssuum & insolitum dijudicaverint atque amputaverint. Similiter vero in aliis partibus anima hæc admirando effectu æque luxuriari & fuperfluum quid struere solet, accontra aliquid diminuere. Ubi proinde admiratione digna est illa observatio animæ corpus inhabitantis citra præsentiam cerebri, qualis historia commendatur à Clerc in Bibliotheca Anatomica, à Rolfinckio, Zvingero, dec. 2. an. 10. obf. 201. Wepfero Dec. 1. an. 3. observ. 129. Hoffmanno dec. 1. an. 2. obf. 36. Romberg. dec. 3. an. 9. 6 10. obs. 100. quales partus vero in utero & extra illum vita præditi fuere; ex quibus observationibus quærere liceret, ubi spiritus? unde motus? in quo alio loco resedit anima? quamvis facilis hic reddi possit responsio, quod anima in corde extiterit; sed quis hujus responsi certitudinem confirmaverit. Quo loco incidenter reminiscor illius hypotheseos, qua afferitur, quod intellectus, ingenium, memoria, phantafia, judicium, in cerebro formentur & exerceantur, voluntas vero in corde: ubi iterum hoc assertum quæstione indiget, cur tola voluntas, quæ perinde actio moralis est; Si vo-Juntas fluit ex æstimatione & dijudicatione objectorum, hæ vero in cerebro celebrantur, cur voluntas in alia parte perficitur, quæ necessitas urget, ut anima è cerebro in cor defulter, & hic voluntatem exerceat: nihil enim disponit cor ad velle specifica quadam sui capacitate, unde

rectius inferre licebit, quod operatio voluntatis similiter in cerebro succedat, ut actio moralis, quæ essentialiter, veluti motus, à reliquis actionibus moralibus nihil differt, quæ ulrimæsingulæin cerebro perficiuntur. Quidni etiam admirationem mereatur ratio & observatio consvetudinis in moralibus æque ac vitalibus officiis, quæ sub multis confusionibus hodie imprimis corporeis & physicis qualitatibus, & automaticis machinis adicribi temere folet, cum tamen consvetudo non alius nisi animæ actus & operatio existat, quæ innititur illa promptitudine in movendo efficaci atque refoluta agilitate, per acquisitam volubilitatem in edendo quodam motu expeditam; ubi illud paradoxon sed simul endoxon in moralibus annotandum est, quod anima multoties actum quendam moralem, & quidem frequenter exerceat, attamen persæpe nesciat quod eundem commiserit, cum huic non attenta fuerit: uti v.g. varii homines adsvefiunt certis voculis exprimendis, quas ita prodige aliis etiam fermocinationibus intermiscent præter omnem necessitatem & connexionem, ob quam superfluam ejusdem vocis allegationem, hæcanima in illa intendenda & attendenda plane oblita & immemor evadit, hanc ipsam vero consvetudinem sedulo committit: & hoc etiam fuccedit, in illis, qui maledictionibus horridis effundendis adfvefacti fuere, easdemque colloquiis honestis, quæ alias ab omni tali maledictione vacua esse debent, intermiscent, ob id si monentur, ut abstineant, nescii plane an tale quicquam commiserint sub propria admiratione excipiunt: Sab ich denn geflucht? ich weiß nicht/ daß ich geflucht habe? &c. ut vero innumeræ tales malæ operationes consvetudinales in moralibus succedunt, ita haud infrequentes in vitali negotio occurrunt, quod ex antiquioribus Galenus probe observavit, D. D. Stablius vero peculiari dissertatione exposuit: quem ipsum actum etiam animæ adscribo neque Metie metelem: assentio, qui consvetudinem faciliori Spirituum motui per nervos assignat, ubi omni jure

quærere licet, cur ad talem specificam actionem Spiritus facilius concurrant, & non ad fingulas reliquas? quæ intercedat connexio inter motum talem Spirituum & historiam confvetudinis, quæ talis est: provenit confvetudo ex aliqua actione ut grata & accepta vel vere tali vel efficta & præjudicata aliquoties exercita, in qua expedienda nancifcitur anima volubilitatem, excussa omni difficultate & impedimento, hinc, quia actus tales tam prompte succedunt, iisdem frequentius exercendis indulget animus, ex hac frequenti exercitatione & repetitione propullulat consvetudo; unde iterum urgere licet connexionem inter motum Spirituum & has circumstantias: quin ultro inquirendum, qui fiat, ut hæ consvetudines per remedia motum Spirituum propriè refrænantia & inhibentia, emendari & curari non facile queant? qui non in pluribus subjectis similes & congeneres tales specificæ actiones contingant ex simili veloci Spirituum motu? &c. Coincidit vero hæc consvetudinis ratio in erroneam animam, quæ ex frequentius exercitis actibus statim in confvetudinem delabitur, consentit & degenerat; unde ejusmodi operationes citra necessitatem, imo citra peculiarem quandam utilitatem perficit. Quin miraculosum est, quod tales consvetudines per hæreditatem in natales propagentur, ubi ridiculum certe esset, ad nauseam supponere velle, quasi spiritus tales veloces propagentur, qui dehinc in prole illum & non alium actum producerent; cum meliori jure & ratione, hæc connexio communicationi ideæ simplicissimæ de tali consuetudine formatæ, animæ immissæ, adscribi possit, imodebeat, ut hic iterum magis moralis quam physica ratio observanda veniat. Idem sentiendum est de ipsa hæreditaria dispositio-ne, qua non modo mores specifici, sed & ideæ de motibus vitalibus specificis communicantur & propagantur; quemadmodum vero hæ dispositiones formaliter motibus innituntur, ita alienum esset, specifice corruptarum & immutatarum materiarum qualitatibus phænomena talia attribu-

-343

ere velle; tanto magis vero cum ex physica doctrina deduci nunquam queat, qui filius hæmoptyicus evadat aut phthisicus uti parens? qui podagricus evadat ut pater? qui hæmorrhoidali sluxui subjiciatur, ut avus? qui filiæ dissicili Mensium eruptione laborent, ut Mater? forte hic communicatur in actu generationis materia talis specifica, huc contribuens, quæ non maturius operatur, quam hoc tempore, aut post aliquot annos, neque serius? videtur mihi hic subesse occultam sorte qualitatem. Consenties mecum VIR PRUDENTISSIME, quod talia figmenta à fana connexione & ratione maximopere aber-Habeo hujus rei notoriam observationem. Altenburgum degit Generosa quædam nobilis Matrona cum familia, tribus nimirum Generosis filiabus. Generosa mater experta fuerat primam mensium eruptionem, non modo valde difficulter, sed & cum maximis spasticis commotionibus, & convulsivis semi epilepticis tormentis: quælibet generosa, harum filiolarum, sub prima Mensium perruptione & circa illam, similem tragædiam fubiit, una cataleptica fuit, alteræ binæ cum emprostotono torquebantur: adhibita fuere multa Spiritibus & Archæo compescendis, sopiendis, refrænandis, alioquin roborandis, modo demulcendis, dicata remedia, sed frustra varia sanguinem corrigentia, uterina, Castorina, nervos roborantia, sed sine ullo usu; in consilium ergo ductus, perspecta historia, consilia & auxilia suppeditavi ad hanc hæreditariam dispositionem & promotionem convenientem fluxus menstrui directa; quo loco præcipue pillulas balfamicas D. D. Stahlii laudare debeo, quæ benedicente gratia divina plurimum totius curæ absolvere: quo sluxu tandem expedito atque dextre promoto omnia hæc truculenta pathemata penitus cessarunt. Possem hoc loco, si tempus concederet, miraculosam animæ operationem, in affectibus periodicis describere, utpote qui affectus justo & exquisito tempore imo etiam die aut plane eadem hora re-

currunt, ut hæmoptyses, diarrhææ, hæmorrhagiæ, sudores, cephalalgiæ, coryzæ, vomitiones, annuæ, menstruæ, æquinoctiales. Talis Gatalepfis dec. 2.an. 1.obf. 1.a Febrio. Syncope ib. obf. 10. a Wedelio. diabetes Act. Med. Haffnienf. vol. 1. obs. s. a Bartholino &c. allegatur; conferatur dec. 2, an. 3. obs. 40. Lentilii. Ex quibus liquet quam subtilem rationem & observationem temporis habeat hæc anima, qualem distributionem & discretionem temporis nudo corpori assignare velle ἄλογον esset; quin nimis enormiter & crasse excogitatum esset suppositum, quasi hic talis singularis automaticus motus effet, qui intra annum, mensem &c. transcurrat; olet enim hæc deductio petitionem principii inter Mechanicos, & infert suppositionem sine demonstratione folida & connectente: neque exhaurient nervum hujus phænomeni Sylvestres illi Spiritus atque Fauni, qui nimis fatui sunt ad distinguenda tempora: ast cum temporis essentia motibus innitatur, ita observatio temporis, & ordinatio peculiarium motuum ad exquisita tempora & periodos, nulli alteri adscribi potest principio, quam quod intelligit quid sit tempus, quid sit in tempore movere, ad tempus movere, ex tempore movere, quod seligere & discernere potest tempora. &c. Tandem neque variantibus aeris tempestatibus aut ætheri hæc contingentia cum sana ratione adscribi possunt, cum inter auram & hunc effechum nulla reperiatur connexio, de qua re egi etiam in additam. ad observ. Hallens. de Mechanismi usu & abusu in corporibus animatis: do hujus rei exemplum practicum: Sæpe evenit, ut subjecta venæ sectionibus adsueta, recurrente tempore illo, quo vena iterum aperienda esset, non mo. do in illo brachio aut pede dolorem gravativum experiantur; sed & illius specificæ venæ intumescentiam. Quid aer & æther contribuat ad hujus brachii aut pedis dolorificam sensationem, ad hujus venæ inflationem, & non ad totius corporis aut aliarum venarum alterationem? quid tempestas contribuat ad hujus venæ spontaneam perruptionem in illo loco in quo ante annum incisio celebrata fuit? & fic in aliis pluribus exemplis judicandum erit. Quid vero de Sympathia & antipathia cenfendum erit: nonne hi exquisite admirandi sunt effectus animæ, in quibus imprimis anima agilis & occupata est, de quibus egregie disseruerunt quoad multas circumstantias, Dygbaus de immortalitate anima, Bartholin. Act. Med. Haffn. Oldenburgius in Act. Anglic. Collectores Ephemeridum Gallicarum, Henricus ab Heer, Hermannus, Grube, Lipsius, aliique multi, & quales egregias historias Sympathiæ & antipathiæ reperire licet in A. N. C. passim, ex quibus allegare placet Bierlingii obf. 207. dec. 1. an. 2. & Lanzonii obf. 103. dec. 3. an. 7. & 8. conf. Zwingerus dissert, med. select. & Libavius de Antipathia: nec non curiosa illa observatio Oldenburgii. Ad. Philos. Angl. Mens. Novembr. An. 1667. de antipathia cum melle in ungvento femoris vulneri applicato. Horum actuum vero ratio fundatur in fubtili & firma imaginatione animærationalis, quæ propterea in illa specie sensationis activior existit, quæ ad hanc imaginationem recolendam concurrit, ut in antipathia ad rofam, feles, castoreum, &c. olfactus; in antipathia ad colores certos, mures, ranas, araneas, visus; ad Musicam, auditus; ad diversa alimenta & potulenta, gustus, acutior, subtilior, intensior, sensibilior esse folet. Succedit vero etiam talis Sympathia & antipathia per meram fortem imaginationem videlicet in cura transplantatoria, Sympathetica, Magnetica, amuletica &c. nihil enim aut valde parum hæ curæ proficiunt, in fubjectis minus sensibilibus atque minus delicatis; Quæcunque vero in actu imaginationis activiora, fortiora, delicatiora &. tenaciora existunt, in illis hæc cura majori cum fructu exercetur. Quod argumentum est, pro roboranda hac asser tione, quod hi animæ fint effectus, minime vero nudi corporis. Hæsitant enim illæ explicationes, quasi essuvia hæc pathemata distinguant & absolvant, aut effective forment, cum tamen, si quæ intercidunt essluvia, eadem accurate percipi, distingui & ad eadem motus tali ordine & valore,

ut ita dicam, qualificari debeant: cadunt illæ opiniones de pulvere Sympathetico, quasi effiuvia orbem pererrantia illud individuum ex millenis aliis ingrediantur, & tales effectus exferant: subjectæ adhuc sunt æquivocationibus illæ deductiones, quasi Spiritus, Genii intermedii, aut nefeias quæ alia occulta & obseura agentia & potestates angelicæ & magneticæ aut mumiales hunc effectum absolvants Cum contra abunde constet, quantam vim habeat imaginatio, quod anima rationalis imaginationes formet, concipiat, foveat, augeat, fervet: quod hæc anima alias etiam fubtili & craffis nostris cogitationibus & conceptibus incomprehensibili modo in distantias operetur, qualem Sympathiam in distans descripsit Myrrhen, dec. 3. an. 9. 6 10. obf. 219. quarum operationum species facti non latent, sed quam maxime patet, quod in hifce actibus anima imprimis laboriosa, anxia, inquieta, agilis, & solers existat: unde collatis singulis circumstantiis fatius fuerit, hos animæ ad. mirandos effectus annotare, quam in alias confufas fpeculationes, titubationes, implicationes, & præjudicationes immergi. Exferunt sefe tales Sympathiæ, & antipathiæ, inter maritum & conjugem, inter fratres, amicos, Parentes, & natales variis effectibus; hujusmodi exemplar sistit fese, in marito, pro uxore gravida Pica laborante, quam historiam proposuit Reiselius dec. 1. anno 2. obs. 216. talis Sympathia inter patrem & fœtum cognita mihi est, & curiosa: novi virum honestum literatum, qui aliquoties jam hoc in se expertus erat, quoties conjux ejus gravida, fœtum per feptem menses gestaverat, quod, octavo & nono mense, quo fœtus in utero majus robur, partium firmitatem & confirmationem majorem nanciscitur, manifeste in sui corporis robore, firmitate, & pinguescentia decreverit, cum aliquali solitarum virium jactura, donec in lucem edito fœtu intra paucos dies hic vir ad pristinum robur & firmitatem redierit; allegatur talis Sympathia gemellarum à Claudero dec.2. ann. 70. bf. 175. & quæ etiam elegans est historia singularis inter

D 3

maritum & uxorem Sympathiæ, quam Rommelius ib. obf. 21. profert, conf. dec. 2, an. 4. obs. 23. append. p. 200. Sympathia inter maritum toties fluxum hæmorrhoidalem fubeuntem, quoties conjux menses experiebatur, & Burtho. lin. Cent. Anat. 5. hift. 79. de marito pro uxore puerpera dolente & decumbente. Habet hæc Sympathia & antipathia fundamentum atque locum, in ratione fœcundi & fterilis matrimonii, quæ consideratio multoties negligitur, cum tamen sonticam & peculiarem attentionem mereatur, ubi tamen merito præcipienda & disuadenda erit, nimia illa curiofitas, quæ sphæram humanæ cogitationis & potentiæ transcendit, qua iterum horum phæn menev modus fiendi urgeri posset, nimirum quomodo anima in animam operetur, & quæ sit formalis ratio hujus compassionis. Latent enim adhuc post lapsum ejusmodi vires in anima, quæ intellectum ipsius animæ superant, quamvis eædem infrequentius activas se exserant, interim attestantur animam esse principium ejusmodi incorporeum, arcanis etiam methodis activum, quod jam veteres Philosophi & Medici & agnoverunt & observarunt, & uberiori observationi commendarunt. Et ita ratio curarum Sympatheticarum non alia æstimatione innititur, nisi subtili hac sensibilitate, perceptione, imaginatione, nonnunquam etiam credulitate, & superstitione, quarum circumstantiarum multo frequentiores & obversationes & connexiones, in ejusmodi curis occurrunt, quam materiarum, corpufculorum, particularum, effluviorum, spirituum &c. qualitates & potestates, unde hæ curæ Sympatheticæ, tam præfentaneê juvant, quia in animam operantur, cujus rei reminiscitur quantisper Scharfius de curis sympatheticis, & magneticis; admiratu digna vero est illa circumstantia, quod cura sympathetica vel dubie, vel plane non juvet, quando in eodem morbo opiata remedia præmissa fuerunt, cum quibus illa sensibilitas animæ graviter alterata & imminuta est: deinde notandum etiam est, quod hæc sym-

Mys. Oreque cuant each

*36 (31) 38%

pathetica cura caute tractanda & gerenda fit, ne per illam nimium anima offendatur, ut nimis repente a præsenti morbo defiftat, sed in alios graves & periculosos delabatur: uti hæmorrhagias per pulverem fympatheticum cohibitas facile inflammationes, spasmi, pertinaces congestiones &c. insequi Quod etiam valet de deprecatione & imprecatione morborum, bom bersprechen der Kranckheit / quale exemplar mihi constat circa Erysipelatis capitis deprecationem, quam in femella excepit cum gravissimis cruciatibus hysterica passio; qualem formulam arthritidem deprecandi proposuit Zittmannus Medicin, Forenf. Cent. 4. caf. 32. similis ratio valet in transplantationibus, dum illico sympathia & antipathia,inter animam hominis, & vegetabilium occurrit. Quo loco omni jure declinanda erit, debilis illa objectio, quafi anima sit anasis, quia spiritus incorporeus est, in qua objectione nimis crassus conceptus, de compassione animæ hæret, quafinimirum nihil pati possit, quod non rudem contactum physicum subeat, cum per motus, in motibus, cum motibus indies patibilis existat anima; & cum ipse sensus sit motus, quicquid propterea fenfus afficit, ipfam etiam animam afficit quamvis quidem non essentiam ilius, attamen activitatem & energiam, & fynergiam. Et quamquam in tali fympathia, quædam infcia plane anima contingant, attamen hæc fumenda denimis crassa ignorantia, cum tamen occurrant ejusmodi fubtiles scientiæ, animæ inhærentes, ut miculæ at-, que reliquiæ primæ integritatis, sanctitatis & perfectionis, de qua re egi in Parodoxo illo scripto, de anima hominum plantarum, & brutorum, cujus rei testimonium præbere potest admirandus ille animæ humanæ effectus, in operatione ad distantias observatus, dum anima subtilem quendam sensum de rebus in dissitis locis occurrentibus, experitur: quales historias in dubium plane vocare circumstantiæ intercurrentes minime permittunt: quando v.g. filius justo tempore justaque hora in maximum angorem delabitur, in lacrymarum copiosissimas profusiones usque, ob causam quam ipsemet recensere nescit, quo tempore in dissitis locis parens vel mater, vel violenta, vel alia morte periit: quando amicus quidam, de intimo quodam amico, maxime follicitus evadit, quin anxius, triftis, trepidus, desperabundus, qui posterior amicus in dissitis locis maximo & periculosissimo morbo oppressus est, in quo ille periit: quando mater de filio in exteris locis degente, infolito quodam modo atque tempore maximas ærumuas fovet, de cujus morte vel occisione illo tempore facta, per terrificum nuncium certioratur: quando in infomniis anima vel tristem vel jucundum eventum prævidet, qui in futurum etiam tali ratione contingit, vel quando in infomnio anima in certo quodam loco, deperditum quoddam, vel margaritam, vel nummum argenteum, vel aliud quicquam quasi observat, & altero die illudipsum illico reperit, & quales plures confideratu dignæ hiftoriæ & observationes mihi ipfi constant: quo loco placet allegare elegantem Verulamii textum in tr. augment. scient. Anima in se reducta atque collecta, nec in Corporis organa diffusabateex vi propriæ essentiæ suæ aliquam prænotionem rerum sutura-rum, illa vero optime cernitur in somnis, ecstasibus, confiniis mortis, rarius inter vigilandum, aut cum corpus sanum est & vegetum. Quos non admirandos animæ effectus observamus in variis convulsionum speciebus, ubi quædam subjecta, variis lingvis loqui sciunt, elegantes cantus occinnere futuraque prædicere norunt &c. omnia talia umbram constituunt, primæ animæ perfectionis. Admirationem porro merentur famosi illi sonambuli, qui maxima cum circumspectione sublimia loca ascendunt, & descendunt, adeoque partes corporis in optima proportione admovent, & removent: in quibus anima huic actui unice & singulari cum attentione intenta, stupendos etiam tales effectus producit. Quamprimum vero in hac attentione & intentione perturbatur, quando semi dormientes ejusmodi homines acclaman-tur, à somno suscitantur, eoque ipso anima hæc graviter consunditur, mirum non est, si ab hac summa attentione &

circumspectione simul & semel revocata est, ut periculosos eventus, lapfus, contufiones, terrores vitali œconomiæ maxime præjudiciosos ejemodi homines incidant; hujusmodi raram somnambuli historiam allegat Clauderus dec. 2. ann. 5. obf. 189. ut multarum aliarum citationi fupersedeam. Annon porro admirandus hic est animæ effectus, quod se dividere possit, & in omni divisione semper tota maneat anima, id quod contingit in actu generationis, dum anima patris dividitur, & fœtui in hac divisione tota communicatur, quod problema illi Physici, qui nudis materialibus divisionibus, l. diffissionibus immersi sunt, neque aliam nisi crassam materiarum distissionem aut divisionem admittunt, vix capiunt. Tales enim semper garriunt, vel, de infinitate divisionum & partium, vel de partibus extra partes, vel de toto & parte, & hæc fingula perverfe ad divisionem animæ applicare volunt: cum anima non sit æquale tale subjectum, de quo in tali philosophia tractant: unde divisioanimæ alterius census & indolis est, quam divisio corporum, & vicissim ex divisione corporum non licet argumentari, addivisionem animæ: quin neque illud, ab ullo tali physico demonstrari potest, quod nullum aliud subjectum nisi corporeum divisioni expositum sit, nisi hic ad nauseam divisionem merè physicam declamatam denuo, loco objectionis, exaudiamus. Paucissimis placet analogum documentum divisibilitatis extra materiam proponere: Motus non est materia, interim unus motus dividi potest, in sex, octo, decem corpora, & tamen in quovis corpore essentialiter totus motus, non pars motus, sed totus est, qui omnes illas affectiones habet, essentiales, quæ ad motum proprie pertinent: differt itaque non quoad essentiam, sed quoad accidens, quoad gradum &c. paucis multa dixi, plura vero de hac re disserere, non permittit scopus, tempus, & occasio. Quidni & ille admirandus fuerit effectus animæ, quando divisa talis anima, in generatione & formatione corporis, tanquam fui habitaculi, parenti l. matri quoad delineationem corporis, præcipue vero faciei accurate assimilatur: hæctalia semini deciduo, vel idez humanz in semine delitescenti assignare velle, nimis crassa subtilitate laborant, cui traditioni innumera objici posfent, tanto magis cum hæ suppositiones Paracelsisticæ ens rationis

E

499 (34) 989

fingentis constituant, quasi in semine talis homuncio fluctuet, ubi aliquid præcoci phantasiæ in microscopiis ludenti condonandum est; ad figuram vero parentis vel matris quicquam delineare in struendo corpore fœtus sine ratione nunquam succedit, sed hic apprime requiritur concurfus animæ rationalis activus, ubi observandi sunt respectus, quid sit magnum, quid parvum, quid longum, quid breve, quid anterius, quid posterius, quid dextrorsum, quid sinistrorsum, quid superne, quid inferne, ubi quando, quantum, quamdiu &c. qui finguli respectus animam secundum rationem operantem spectant. Non licet plura de hac re disserere, quamvis cognitu & utilia & curiosa etiam existant. Unde unicum ex multis aliis adhuc admirandis animæ humanæ effectibus, indicare lubet, nimirum præsagium mortis & morborum: quemadmodum hæcanima futura alia pericula præprimis vitam concernentia, quæ fortuito obrepere & intercedere poffunt, per frequenter prædixit, ita horum imprimis & morborum, ob justam causam insultantium, & mortis phænomen er reminisci intererit, ubi minime placet latius disquirere, an semper in hisce prælagiis to deior concurrat, sed brevissimis indico, quod non æque necesse sit, ut ubique tale desor concurrat, cum jam natura seu anima à divina clementia concessam possideat, in hisce circumstantiis, aliqualem præscientiam, utpote quæ optime novit, quibus effectibus, vel malis, vel bonis motus vitales fuccedunt, ut propterea prædicere possit, quomodo totus status morbi excurrat, & quando habitaculum fuum deserere debeat, cum vero hæc prædictio non ex crassa cogitatione sluat, ita hoc præsagium non crassis circumstantiis innititur, neque ita urgeri potest, ut quilibet sibi mortem & morbum crasso λογισμέ actu prædicere debeat: sed subest hic iterum subtilis quædam actio animæ humanæ, & propterea admiranda, quam non semper, neque in omnibus subjectis aut morbis hæc anima exercet, ob id iterum consideratu digna existit. Quædam subjecta prædicunt sibi morbos, & quidem periculosos, quando adhuc nihil quicquam morbidi perfentiscunt, sed animo anxia sunt, nedum veram rationem, aut originem, aut occasionem, aut sedem anxietatis hujus allegare sciunt, & solum quærelas effundunt, de morbo arduo imminente, quem

VIX

vix superabunt; quædam in morbis funestum eventum aut salutarem exitum præsagiunt, cum utrobique conveniente animi constitutione & gubernatione; quædam diem, aut plane horam mortis, aut morbi emendationis prædicare norunt : qua occafione in memoriam incidit, cafus qui mihi ante triennium in ftudiolo theologiæ dyfenterico obtigit, qui alias tranquilli & pensitabundi animi fuit: hic periculose dysenteria laboravit, imo in morbo denominavit certum diem, tribus diebus ante, quo mor. tem imminere prædixit, accessit dies, quo graviter ægrotaverat, ut mors singulis momentis exspectaretur, præteriit vero hic dies, quamvis adhuc infigniter ægrotaret studiosus ille, qui dehinc novum præsagium formavit, nimirum se nunc certo evafurum, quamvis adhuc periculofe decumberet, evafit vero etiam benedicente Deo. Et quid anxietates illæ Crifin proxime antecedentes aliud funt, quam præsagia animæ de incerto eventu, quid vero Crisi bene absoluta virium collectiones, & animi tranquillitatis recuperationes aliud funt, quam testimonia de obtenta victoria, de morbo arduo, & præfagia futuræ fanitatis, & integrævitæ, quo facit, quod Hippocrates professus est. Sect. 2. aph. 13. quibus Crisis fit, his nox gravis ante accessionem, que vero sequitur, plerumque levior effe solet. Utpote quod negotium latius explicavi diff. de hamorrhagiis Criticis. Ejusmodi præsagium morbi ex infomnio descripserunt. Frank dec. i. ann. 4. & 5. obs. 104. Lanzonius Dec. 3. ann. 1. obs. 24. mortis præsagium exposuit Rommelius dec. 2. ann. 4. obs. 35. conf. Garmanni obs. 144. dec. 1. ann. 1. de mortis præsagio, ab odore, missis multis aliis observationibus, (qualem aliam à me observatam de præfagio mortis per infomnium alia occasione communicabo) quæ hoc loco citare tempus & spatium non permittit, neq; spatium amplius concedit, ut de philtris aliquid disseram; Sed hæc sunt quæ, quâ fieri potuit brevitate, de admirandis animæ præcipue humanæ effectibus Tuo VIR MAGNIFICE prudentissimo judicio transscribere & insinuare volui, quamvis varia de digna hac materia dicenda essent. Interspersi observationes, quæ mihi cumprimis in hac materia obtigerunt, è quibus diversas adhuc, ne TUA dexteritate abutar, reservare de-

bui.

級 (36) 影響

bui. Excipias interea VIR ILLUSTRIS, ut observanter rogo, hasce meditationes, & hanc inscriptionem favente animo, meque Tuo Patrocinio atque favore ultro dignari, ut cum magna Illustris Tuæ Personæ veneratione precor, nunquam desistas. Aft certus de me etiam sis, quod nunquam mihi defecerit & animus & voluptas, quin observatu dignissimas tales, & in re Medica æque ac philosophia morali utilissimas circumstantias possibili cum cura & attentione annotem, inque Medicinæ tam Theoreticæ, quam Practicæ commodum transferre annitar, ut tanto firmior evadat connexio, inter animam & Corpus. le VIR MAGNIFICE Tuo cum Patrocinio meam curam. meosque labores & non modo hasce meas cogitationes atque literas blandis oculis, serenaque fronte admitte, sed & imposterum vel publica vel privata colloquiamea benevole semper excipe, eoque ipfo, meo animo fubtrahe peplum timiditatis, quo in futurum similes tales, quamvis viles & exiles meditationes prudentiæ Tuæ eo confidentius offerre queam. Quibus ipsis Te, VIR CELEBRATISSIME perennanti divinæ clementiæ animitus commendo, cum pio atque cordato voto, utab hoc flumine omnis benedictionis quælibet prosperitatis, sanitatis, & integritatis species in Te abundantissime effluant, qui tandem sub perpetuo Tuo flore atque splendore Patrocinium Tuum iterato officiose & observanter expeto meque obtestor

ILLUSTRIS TUI NOMINIS

dab. Hal. Magd. die IX. Calendarum Februarii A. O. R. MDCCXIII.

perpetuo officiosum & sincerum Cultorem

D. MICH. ALBERTI, Prof. P. Extr. & Reip. Nor. Phys. Ord.